



Bosnia and Herzegovina
Federation of Bosnia and Herzegovina
CANTON SARAJEVO
Ministry of Economy

Broj: 07-03-04-57021-136/25
Sarajevo, 29.01.2026. godine

SKUPŠTINA KANTONA SARAJEVO
- ovdje -

Predmet: Odgovor na zastupničko pitanje zastupnika Čičić Davora, dostavlja se
Veza: Vaš dopis, broj 01-04-57021-31/25 od 14.01.2026. godine

Zastupnik Čičić Davor, na 28. radnoj sjednici Skupštine Kantona Sarajevo održanoj dana 14.01.2026. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članovima 211. i 214. Poslovnika Skupštine Kantona Sarajevo, uputio je zastupničko pitanje prema Ministarstvu privrede Kantona Sarajevo, a koje se odnosi na rad KJP „ZOI '84“ Olimpijski centar Sarajevo d.o.o. Sarajevo:

1. U budžetu Kantona Sarajevo za 2026. godinu predviđeno je 4.500.000 KM za projekte „ZOI '84“ iz domaćeg kreditnog zaduženja pa molim informaciju koji su konkretno projekti predviđeni za navedeno finansiranje, koji je vremenski okvir za realizaciju i koji se realni ROI očekuje od te investicije kroz buduće godine?

Shodno gore navedenom zastupničkom pitanju, Ministarstvo privrede Kantona Sarajevo je uputilo dopis za KJP „ZOI '84“ Olimpijski centar Sarajevo d.o.o. Sarajevo, kako bi blagovremeno odgovorilo na zastupničko pitanje zastupnika Čičić Davora.

U proteklom periodu putem Protokola Kantona Sarajevo u Ministarstvo privrede zaprimljen je odgovor, koji Vam ovim putem dostavljamo.

S poštovanjem,

Prilog:
- kao u tekstu.

Dostavljeno:

1. Naslovu,
2. Evidenciji,
3. Arhivi.



07

04 57021 119

/25

Bjelašnica

OLIMPIJSKI CENTAR

KANTON SARAJEVO

Ministarstvo Privrede

Reisa Džemaludina Čauševića 1, Sarajevo

n/r Ministar Zlatko Mijatović

Broj: 01-312/26

Datum: 26.01.2026.

- BAK
- SEKRET

PREDMET: Odgovor na zastupničko pitanje u vezi sa sredstvima planiranim Budžetom Kantona Sarajevo za 2026. godinu za projekte KJP ZOI'84 OCS d.o.o. Sarajevo

Poštovani,

Postupajući po Vašem dopisu broj 07-03-04-57021-101/25 od datuma 19.01.2026. godine, a u vezi sa zastupničkim pitanjem zastupnika Davora Čičića a koje se odnosi na sredstva planirana Budžetom Kantona Sarajevo za 2026. godinu u iznosu od 4.500.000,00 KM za projekte KJP ZOI'84 OCS d.o.o. Sarajevo, dostavljamo sljedeći odgovor.

Sredstva u iznosu od 4.500.000,00 KM planirana su Budžetom Kantona Sarajevo za 2026. godinu u okviru razdjela Ministarstva privrede Kantona Sarajevo, kao kapitalni transfer pod nazivom „Podrška projektima ZOI 84 Olimpijski centar Sarajevo d.o.o.”, te su namijenjena za realizaciju projekta izgradnje Alpine Coastera na Bjelašnici, kao strateškog projekta razvoja cjelogodišnjih turističkih sadržaja Ski centra Bjelašnica – Igman.

Alpine Coaster predstavlja savremenu cjelogodišnju turističku atrakciju koja je u širokoj primjeni na planinskim centrima u Evropi i svijetu, sa dokazanim efektima na produženje turističke sezone, povećanje broja posjetilaca i ostvarivanje vlastitih prihoda. Planirana trasa Alpine Coastera na Bjelašnici iznosi približno 2 kilometra, sa polaznom stanicom u Babinom dolu.

Dinamika realizacije projekta

Realizacija projekta podrazumijeva provođenje propisanih administrativnih, planskih i tehničkih procedura, koje su u toku i koje po svojoj prirodi zahtijevaju određeni vremenski okvir. S obzirom na obim i tehničku kompleksnost zahvata, projekat se planira i realizira fazno, u skladu sa važećim propisima i raspoloživim sredstvima.

U slučaju nesmetanog odvijanja svih potrebnih procedura, puštanje projekta u upotrebu očekuje se najranije u ljeto/jesen 2027. godine.

Procjena posjećenosti, prihoda i povrata investicije

Ukupna vrijednost projekta izgradnje Alpine Coastera procijenjena je na približno 6.500.000,00 KM, pri čemu planirana budžetska sredstva predstavljaju dio finansijske konstrukcije, dok će preostali iznos biti obezbijeđen iz vlastitih sredstava KJP ZOI'84 OCS d.o.o. Sarajevo, kako bi se projekat realizovao u punom obimu i u skladu sa tehničkim i sigurnosnim standardima.

KJP "ZOI'84" OCS d.o.o.

A: Babin Do bb, Bjelašnica T: +387 33 579 005 M: +387 61 614 002 E: info@ocbjelasnica.com W: www.ocbjelasnica.com
ID: 4200347000004 PDV: 200347000004 Rješenje br: UF/I-431/04 UNION BANK d.d: 102 050 0000095931


Na osnovu tehničkih karakteristika planiranog sistema i uz primjenu konzervativne procjene posjećenosti, očekuje se prosječno 100.000 do 120.000 korisnika godišnje. Uz cijenu jedne vožnje od 15,00 KM, procijenjeni godišnji prihod iznosi približno 1,5 do 1,8 miliona KM.

Uzimajući u obzir prosječne operativne troškove ovakvih sistema (održavanje, energija i osoblje), procjenjuje se da projekat može ostvarivati stabilan neto prihod koji omogućava povrat ukupne investicije u periodu od približno 6 do 8 godina, što projekat Alpine Coastera svrstava među ekonomski održive i opravdane investicije javnog karaktera, uz zadržavanje opreznog i realnog pristupa procjeni isplativosti.

Iako tehnički podaci i iskustva proizvođača s realizovanih projekata ukazuju na visok kapacitet i vrlo kratke rokove povrata investicije (u prosjeku 2 godine), u ovom odgovoru su korištene svjesno konzervativne pretpostavke. Procjene posjećenosti i prihoda zasnovane su na opreznim kriterijima prilagođenim lokalnim uslovima, kako bi prikazani efekti predstavljali donju, a ne maksimalnu granicu potencijala projekta.

Zaključno, sredstva planirana Budžetom Kantona Sarajevo za 2026. godinu predstavljaju ulaganje u cjelogodišnji turistički sadržaj sa realnim prihodovnim potencijalom, koji doprinosi razvoju Bjelašnice, povećanju vlastitih prihoda KJP ZOI'84 i jačanju turističke ponude Kantona Sarajevo.

S poštovanjem,



Direktor KJP ZOI'84 OCS

KJP "ZOI'84" OCS d.o.o.

A: Babin Do bb, Bjelašnica **T:** +387 33 579 005 **M:** +387 61 614 002 **E:** info@ocbjelasnica.com **W:** www.ocbjelasnica.com
ID: 4200347000004 **PDV:** 200347000004 **Rješenje br:** UF/I-431/04 **UNION BANK d.d:** 102 050 0000095931